



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 八六

秋水集十卷 嚴繩孫撰

一

世德堂文集二卷世德堂詩集二卷 王 鉞撰

九五

道貴堂類稿二十一卷（應制集三卷鼓缶集三卷黃髮集二卷

蘋蓼間集二卷野航集二卷汗漫集二卷甲乙友抄一卷寓園小草一卷

燕臺小草一卷梧下雜鈔二卷水香詞二卷）修吉堂文稿八卷

耄餘殘瀋二卷 徐 倬撰

二一九

嚴中允秋水集

秋水集

序

無錫爲縣居南北之衝其人物淳龐敦厚能不爲不爲
四方風氣所移易居是地者往往一出爲天下偉
人貞士而其爲詩者自南朝湛茂之唐李公垂以
來亦代有聞人有明詩家之體凡數變北地信陽
瑯琊厓下竟陵代起而新其製本如雲烟之出沒
於山谷間聽其自起而自滅可矣而逐景以馳者
謂能窮日之所入而不知其將道暵而死也獨錫
山風氣頗能不詭於一時之好尚故其詩之可傳

秋水集 序

姜一

者常眾亦由其人之淳龐敦厚之氣能不爲浮薄
之所陷溺而然也余往在吳門見有所謂秋水集
者其詩宗黃初建安以還五七言近體時出入於
溫李之調蔚茂而婉麗卓然能自成家者也因喜
而讀之不忍釋特未知其作者誰氏至錫山遇嚴
子蓀友見其人蕭散冲挹意氣浩然有國士之風
知其必能爲詩爲詩則必不陷於浮薄者嚴子果
出詩以示予則前之所謂秋水集者也余既喜得
嚴子又喜嚴子之能爲是詩而嚴子遇余亦把臂

歡甚念當別去無以喻吾兩人之相得者於是屬
余敘其詩以見志以余之慙愚不諧於俗雖久遊
於四方熟嘗人情之變態而秉志確然愈不可易
故人無論貴賤常視以爲難近獨君能臞就於余
而不余怪則其性之不移於風氣可無疑也余故
拙於文詞於詩尤自謂不能工顧特嚴於論詩以
爲世之風從波靡者皆無與於詩人之事故雖其
不能爲詩而一時之名能詩者亦終無以奪焉然
獨心折於君之詩至此則君之詩之能不痼於習

秋水集序

姜二

俗而足以取信於天下者亦愈可確然而無疑矣
而君不益知所自重哉君才富學殖所著詩且日
益多余取其已輯者序其端慈谿同學弟姜宸英
拜撰

序

梁溪黃家舒漢臣

予心嗜蓀友人若詩如騷人之嗜蘭蕙也世之嗜其
人者必命僕共筵形影暱逐而予與蓀友訂交十年
僅今歲過從稍密前此每浹歲不面經旬無訊襟契
彌洽世之嗜其人若詩者必聲氣相引推挽恐後而
予於高軒熱客品題雋少時惟恐誤及蓀友姓氏或
冰雪在几詞流入座捲匿緘滕如防穢觸予誠不自
知其何故顧蓀友諸詩自同社倡和數子外惟予獲
盡見之酒闌月薄攜手微吟亟索予一言爲快予亦

秋水集序

黃一

不知蓀友何故也都人士願交蓀友者目之爲韻人
爲才士爲琴心墨妙不可有二而予一言蔽之曰其
人廉且貞稱蓀友詩者曰開府叅軍曰西崑玉臺曰
文昌仲初而予獨進論之曰稟獨用之心抱不平之
氣嗟乎飲木蘭之墜露殣秋菊之落英此其人視一
切爲何等乃獨於滿堂目成不勝眷眷我冠纓齷齪
爲思君彼烏知非獨清獨醒寧有悲別離而樂相知
者乎一變而長卿以酒壚慢世傲井丹之高潔再變
而元亮閒情一賦直代桃源人徘徊寫照彼中有所

寄姑借風流二字聲簪五濁衆生使之望崖而反正
令玳瑁裝書珊瑚架筆者視之轉增河漢豈若付
之奈何一喚哉予嘗論姚黃魏紫自是歌兒舞女間
物其落朱紫酒肉齒牙固宜暗香疎影能自遠矣無
奈孤山一聯中峯百韻後學步累累點染狼籍辱莫
大焉卽東籬佳色偶逢陶令近被克隱諸公采掇殆
盡惟綠葉紫莖在聲色香味外未易着語篇咏寂寥
故得借三閭共保歲寒以此作孫友筆墨供養或無
媿色然斯言出而孫友曰草木有本心何求美人折

則予又擲管爲遲矣

秋水集序

黃二

秋水集原序

昔予誦錫山倪瓚元鎮之詩蕭疎澹遠脫然塵壘
之外私心慕其爲人然嘗怪元鎮負其逸才不爲
世所知疑其感慨激烈拂鬱不平之槩勃勃不能
自釋而其詩固有無也其後華學士子潛王僉事
仲山先後棄官壯年嘉趣及取兩人詩讀之唯怡
情適志於湖山杯酒之內未嘗一語厭薄軒冕以
自明其高然後知昔之人或遇或不遇其中皆有
夷然自足者外物不得而撓之非如沽奇爭詭之

秋水集序

黃一

士徒驚世而駭俗也竊意錫之風土清嘉山川美
淑之氣結而不散故高人畸士代產於其間予之
想慕而未見者庶幾訪求而遇之蓋藏之懷久矣
而今乃得之孫友嚴君君爲貴公之孫其才智文
采可以騁力於仕進而二十餘卽棄諸生優遊環
堵終年笑傲無動乎其中而亦無炫乎其外通國
之人皆高其行而君初不自知也故其集中之作
意象之超越音奏之和平融融然渣滓泥垢與之
俱化豈非夷然自足外物不得而撓之者歟嗟夫

沽奇爭詭之士入河蹈海長往而不顧其言以名利爲戰鎖圭組爲瓦礫一篇之中再四致意唯恐人之不信予謂富貴貧賤唯其所遭而沾沾言之不已此其心之所存可知也人能碎千金之璧而失聲於破釜能捐萬乘之國而變色於羹豆若君者庶乎免矣推君之志可幾於道雖以元鎮方之猶疑其未能及也而予早墮世網嘗欲一念屏去自託於子潛仲山之徒而人事牽縈忽忽未能徒執筆而序君之詩何以爲情也乎崑山同學弟葉

秋水集序

葉二

方藹謨

序

往余解組溪千繫船湖曲見當壚之酒母甕釀百花有題壁之詞人墨成五采則藕漁嚴子所製望海潮一章也旣而賁寫羊孚惜羨鍾王之法因之函開殷浩書通稽呂之交乃嚴子謬許入林時同籍卉身如鴻雪雖漂流略似西川契比龍雲然企慕實踰東野顧余湖海之氣猶未除豪而子丘壑之姿非關作達波涵千頃不濁兼之以不清幹挺百尋若近尤能以若遠眼無清白登山獨喜看雲

秋水集詞序

吳一

口絕雌黃對客惟宜飲酒是以靜多於動實過其名王公甚重嘉賓懶於置幕天子將召供奉呼不上船良由情性使然故非矯強所致矣至於才清擬月言粲成花具庾鮑之幽思用錢劉之妙格引人著勝多濠濮間情使我猶憐是風塵外物無不仰追騷雅共振藻於葩壇并使旁及聲歌總擊香於蘭畹洞庭落木淒清葭莢之聲湘浦層波澹蕩芙蓉之影此秋水一集所由名耶嗟乎名士無多虛聲何益上林三奏惟相如能賦大人汾水一篇

獨李嶠可稱才子吾不能無生瑜之歎且重有懷
璧之傷也豐南同學弟吳綺書

秋水集詞序

吳二

秋水集卷第一 詩一

勾 吳 巖 繩孫

聖恩寺

津梁風定落花沾一叩龍堂歲月淹動地波濤開
玉鏡中天雲日麗瑯檐蓮華獨俯三千界貝葉難
詮二百籤今日伊蒲同飯去遠公先勸讀楞嚴

七十二峰閣

中歲困哀樂筋驚甚中散探奇健如犢窮覽方未
肝人從落花去路入林影換高閣忽瀕湖迥出雲

秋水集

卷一

詩

一 侏亭

崖半其南三萬頃渺渺接河漢遠峰一羅矚
青玉案攀裳望林屋坐惜清景晏石華倘可采捐
珮非澧岸長年與習師歌笑凌無畔絕壁走僮僕
驚視不能喚浩蕩春色來我獨愁爛漫浮生豈無
涯臨風浩長歎

靈巖呈繼大師

吳宮荒草入破嶂驚嶺天開說一乘風獵紫蘭香
徑藤雨寒青桂法堂燈與亡滿眼今何夕去住無
心我未僧一拜慈雲泥絮在倘依金粟聽迦陵

涵空閣

山閣何年作於今盡法筵諸天聞寺鼓終日見湖
船目接飛花上心窮落鳥邊館娃空舊迹春甸起
寒烟

吳王井

銀牀玉甃總成塵不及軍持汲尚頻試看一泓清
未已鉛華光老沼吳人

響屧廊

綠蕪縹瓦兩難知雁塢前頭訪舊基花影夕陽蓮

秋水集

卷一

詩

二

佚事

漏永只疑香屨夜來時

琴臺

絕嶺琴臺時當時已自荒遺音畱彷彿睇目近微
茫水氣蒸山白村烟襯日黃春風自千里何處弔
夷光

梧桐園

館娃葉落不勝愁聞說梧桐園有舊丘芳草滿山等
不得未曾風雨亦零秋

走馬街

陰迴松磴草初分不見當年騎若雲紅堦未乾珠
絡汗越師潛襲水犀軍

西施履跡

歎息香痕更不渝古來傾國自同塗玉環錦襪傷
心日得似西施履跡無

采香徑

吳宮種香處數里直如弦玉腕曾安槩金堤此叩
舷烏啼垂柳露人臥落花烟欲問當年事漁歌荅
采蓮

秋水集

卷一

詩

三

佚事

某園

十年桑海倍煎心草色名園不可尋欹柱倚風移
舊繡斷垣經雨見遺簪山僧禮數支門急江燕驚
猜避客深唯有青山如昔日不能重上上頭吟

寒山趙凡夫故居

風吹遊人去不上寒山麓寒山多清暉駐策散還
矚貽蕩風日晴紫迴川崖複青楓石上古白鷺水
中沐取徑屢紛錯逶迤始中谷卽事親禽魚游情
詠濠濮窈窕出叢篠沾灑望長瀑濺沫連珠揮遠

聽疊琴筑是時已久晴噴薄無斷續略約緣更絕
危亭架將覆往者薜蘿人雲霞滿芳躡吾聞小宛
堂插架一萬軸蠶紙間鐘彝蛟龍染毫禿嗟彼李
陽米高名今野鴛書成向孟光才亦過徐淑抗志
薄侯鯖娛朋薦山藪既走羣公幣還副幽人築疏
鑿五丁餘游宴三已足至今絕壁上宛見殘詩綠
巖扉已禪屨銖衣對樵牧坐來四五人蕭條暎花
竹盛衰固有時夸險勢倚伏撫迹懷沉冥循躬愧
蹉跎終及桃花紅高揖謝秦鹿

秋水集

卷一

詩

四

佚事

月出

月出近殘夜朔風吹半規當軒見弓影不似上弦
時闌干照珠斗蕭槭經空枝冉冉青女下清光俱
爲誰

書先友馬彥豐遺事

春風繡被六橋行是處畱題到友生今日欲遊同
不得雨昏青壁舊書名

西冷之遊余不及
同而過題余名

二

玉勒驚同月底游白門涼夜正中秋寧知此後愁

踪跡總付滄江不盡流

三

木落新橙刺眼黃到來齊擘洞庭霜分明夢裏西
州路一樹秋風淚萬行

四

繡佛閒齋不捲簾日長香薄展華嚴三生更憶曾
翻處正下當年第幾籤

慧上人彈琴

惓惓元合對休公古調今猶屬夔桐風雨坐余幽

秋水集

卷一

詩

五

佚事

澗上波濤迎子白雲中居高始合無繇響

上人方樓居

牀空

溪上

日夕添新漲初爲鼓枻行蟬聲驟雨歇鷺影夕陽
平香稱山村供輕荷懼女情余家傍溪口應待草
堂成

訪楊兄爾韓未達泊陽湖

夜泊投烟火漁村復幾家水螢明岸柳山犬護籬

花月出時兼電川長不見沙元亭遙可識一夕自天涯

省舍弟於石塘阻風僧舍

我來期屢後澤國阻秋風損落江湖外艱難信宿中
濤聲通碧漢星影動丹楓他日能招隱無心負釣筒

挂劍篇

延陵昔日佳公子寶劍橫秋向千里北來奉使過徐君
鮫函麗殺芙蓉紋若耶水深赤堇合後之千秋水集

卷一

詩

六

佚事

莫徒紛紛徐君欲之不敢語公子由來意相許祇謂提携上國行誰知一別還如雨歸來撫劍空歎息
宿草離離土花碧星鐔玉珥懸松楸意氣寧爲死生易吁嗟公子義至高我歌挂劍風蕭蕭塵埃三尺狗知已
今人棄此如鴻毛翟公賓客聚還散人間萬事須臾變一顧方銜國士恩九疑已隔平生面感此悠悠復何道
黃公壚前滿秋草愧爾高陽舊酒徒龍吟一夜霜華老

春後

九春觴詠等閒過猶染霜毫寫永和困懶鶯花經眼失
衰遲風雨不情多城隅淥水空絲管天上青雲足網羅
不似柳陰溪上去自橫艇子臥漁簑

閉戶

蠶粉芸烟老歲華碧窗零落舊時紗春風急管梨花夢
夜雨空庭燕子家白首故人行處少青山歸路醉中斜
何當買斷清溪地學種東陵五色瓜

酬秦樂天贈素牋藏画

画好牋瑩用意殊美人珍贈過貂瑜收將蜀國芙蓉粉
伴取滕王蛺蝶圖題賞欲傾銀鑿落光輝長滿錦唐蘇都來硯
北添清興不遣羸形據槁梧

秋水集

卷一

詩

七

佚事

無題

凌波何許慰陳思不誤前裙水上期醉淺去留俱未可
語深悲喜竟難持珠簾曲轉迴燈夜四舸風移卻扇時
多少尋常堪憶在不將愁賦定情詩

二

拂得檀奴鬢裏霜不妨行處卽瞿塘已愁柳困全身
病旋覺蘭舒竟體香欹枕細風吹玉頰理妝新

月在銀牆橫波慧絕能看画待爾盈盈近筆牀

三

寫遍桃花十樣牋幾時心緒似當年可憐遲日薰
風後又到紅香翠暖邊檀暈泥人收墜耳蘭膏融
腕枕新蟬與卿茅屋空山約不及當爐一日緣

四

擣盡玄霜已病生當歡心膽轉如醒花飛曲院紫
殘夢人在文窗喚小各條脫祇教看命薄參差終
惜倚歌清欲知別後闌干意繡佛前頭再世盟

秋水集

卷一

詩

八

佚事

筭人謠

宵肝溪宮闕綠苔浪傳中使又相催千家膏火雙
星夕卻似當時送夜來

二

十樣宮簪有画圖自看菱鏡得如無青溪白石紛
成匹不道無郎是小姑

三

傾城一曲便窮搜齊画春山未敢羞昨夜翠余香
不暖可知身在鵲橋頭

秋水集

四

鈿合金釵豈夢思盈盈十五破瓜期驚心玉鏡臺
邊淚憶得前年嫁姊時

五

紅帕蒙頭盡及笄画檐無箇不雙栖生憎梁女能
承詔日映蜃窗看火齊

六

晚妝膏粉一時春繫臂香銷獨損神何事漫猜全
盛日玉關真嫁画中人

秋水集

卷一

詩

九

佚事

七

詠絮何心夢合歡鳳簫吹徹事無端兒家一拜姑
嫿後自作長門望幸看

待年之女迎養於夫家者

八

繡段裁衣燭隱紗專城人上七香車朝來問取支
機石知在明河織女家

贅婿

九

從將鐵網胃珊瑚不問羅敷定有夫料得廣寒嬌
獨恨琴心應不悔當爐

寡婦

十

慧心曾解鄭家詩團扇恩情忍自知枉殺上林傳

羯鼓東風不到最寒枝

婢獨不嫁

殤女阿弦

悔指金波字夜光珠胎今已墮茫茫七年何處會
離膝一夕無言竟斷腸握筆更誰呼纖素泣花從
此憶平陽可知痛惜還空爾補綻頻移舊繡行

二

幾年潦倒藉周旋掌上携持臂上眠廣額覆雲行

秋水集

卷一

詩

十

佚亭

自喜明眸剪水病依然淒涼已奈生貧後曉慧長

看在意先兒去夜臺應再世一靈稽首乞長年

三

傷心金匱只哀辭秋水爲神玉作姿花好幾時持

索西月明何處抱吟詩危思火樹驚魂夜長並朱

欄透額時今日小樓西向望斷墳衰草雨如絲

四

蘭摧玉折事何常哀樂中年此倍傷行處早曾傾
女伴家常都未異男裝重來舊燕縈心曲無復流

鶯喚耳傍爲爾不能憐驥子劫灰飛盡倦思量

秋日雜感

潤州西望大江通正憶金焦似西中城郭曉連瓜
步雨帆檣春滿海門風何年地圻分吳會終古潮
平見禹功近說東南多戰壘車書回首幾時同

二

秣陵宮闕舊神州桃葉聽歌記昔遊紫禁月沉瓊
樹夕滄江楓冷石城秋天門無復交仙仗海氣真
成結蜃樓總是興亡千古地莫教潮汐送閒愁

秋水集

卷一

詩

十

佚亭

三

春雨曾過九曲堤雷塘官柳半萋迷飄來西角繞
江北數去青樓是竹西極浦風驚聞馬渡重城燈
暗失烏栖試看明月三分夜猶有簫聲雜鼓鼙

四

五湖秋色莽丘墟江介悲風尚羽書解語莫同秦
結了端憂真似魯爰居火旗錦纜終何事白骨青
烽一醉餘側足橫流羣盜在乾坤何處有吾廬

京口

歷歷南徐路風塵有變更
檣烏今夜夢檐燕隔年
情鼓角臨江戍烟花向日城
東南勞鎖鑰吾得傍人行

金山

晨鐘山寺外躡磴俯潺湲
霧色迴千地江聲殷四
天感時驚物彩經亂惜人烟
不擊中流楫蛟龍正穩眠

雨過

一雨過江城林鴉逐處鳴
乍添春渚濶已注曉窗
秋水集 卷一 詩 十一 佚事

明細草知天意殘花見客情
酒樓遙在眼駐馬問
吹笙

野寺

出郭已無事坐來應息機
老僧供白甌古佛回鉢
衣風入知花落林疎見鳥飛
山河清磬外偶至亦忘歸

露筋祠

青史名何在荒祠一水間
白雲中婦意清露小姑
顏獨灑腸邊血俱添竹上斑
恥論蟬冕事回首拜

雲鬢

漂母祠

漂母昔進食識此天下奇男
兒感知已本自窮愁
時淮水東南流悠悠不知期
一飯久蕭索秋風生
釣絲

儀真

客行猶信宿帆影忽江關
密密鳥邊樹青青烟上
山村春時傍犢人語不驚鵬
彷彿清溪路春風何
日還

秋水集 卷一 詩 十三 佚事

清明行

錦帆江上清明早江草江花
覺春好青絲繫馬簇
香塵齊看輕毬疾於鳥
去年清明虎丘路弱柳銀
塘已飛絮十五吳姬倭墮妝
須臾相失還相遇此
時春水可憐生此地春風無
限情已聞玉淑迴歌
袖復道珠簾近笑聲珠簾落
日分明見紫蝶黃蜂
滿芳甸夜月空歸青翰舟
青泥再乳紅檐燕人生
來往自無期卻望江南有所
思平山塵起春如霧
有酒不上真娘墓

春江花月夜例齊梁體

江潭極望平花月淨無鄰月疑解珮客花似弄珠
人綠鬟向烟歛青蛾逐岫輦君聽採蓮曲含情誰
爲申

新塢

釋策方窮覽高標有烈風大千歸法眼尺五託微
躬江海交流外人天一氣中客心將鳥翼俱在夕
陽東

渡江

秋水集

卷一

詩

十四

佚事

京江春樹隔芊眠咫尺神靈意惘然青壁近迷山
寺雨綠蓑遙入海人烟江魚水闊難通市石燕風
多不避船我欲然犀照幽隱夢魂猶自怯潺湲
北征次江干七夕

自笑真成浪漫遊幾回星火記瓜洲一行白鷺同
涼夕千里青楓送客愁天上正懸停杼戶人間誰
在曝衣樓郵籤恰告雲山始心斷滄江半夜秋
淮行

一燈懸古驛相對且依然伏枕藕花上辭家燕子

前風鳴下江水月照入淮船行盡江南路長謠望
日邊

黃河

水宿屢昏旦叩舷溯洪河蒹葭秋日黃厓蹙凌盤
渦厚地幾時圻川后無停波重溟終不溢天漢流
如何側足千里間行坐神靈訶百年逝一息何由
駐義和愧彼逍遙篇感此哀樂多

宿遷行

秋水集

卷一

詩

十五

佚事

砲車雲起黃河曲驚飈漫天白日促宿遷城頭一
萬家卷起黃沙覆坤軸長年最能心手速濺沫過
頭沙滿目方牽百丈中流行振柁橫篙及平陸此
時馮夸方擊鼓天吳蹴浪驪珠吐變惑寧知天地
心陰森已集神靈雨吾聞龍門東下九千里洪流
綠字開神禹漢帝宣房空作歌白璧年年置何許
崩奔蕩斥無已時世間名利須臾期破塚才欣脫
魚腹船頭打鼓鳴行遲我憶西神近西舍十畝圃
團蔭桑榆山翁都未識黃河一生醉臥西神下

沛中

漢帝龍飛有舊鄉誰云尺土係興亡八千子弟歌
三匝百二河山泣數行故社粉榆空近水荒原禾
黍尚斜陽今看一片風雲地落木蕭蕭斷客腸

太白酒樓

何年供奉此登樓落日曾明紫綺裘石闕蘚滋唐
蹟在女牆花發魯門秋朔鴻半度皆南向汶水中
分更北流直道文章了無益一名猶爲謫仙留

東國

東國風烟接懼謳客心終日岱雲浮青郊自落雞

秋水集

卷一

詩

六

佚事

心裏紅袖能騎果下驄持斧澤消彈鋏夜先司寇代巡地
倚閭愁入擣衣秋尚看匹練吳門近一夕星帆更
冀州

天津

疊鼓城頭動曉河天津西望接滹沱雲間驛路楓
香合海國旌旗蜃氣多八月未隨槎上使五噫元
是客中歌竭來重屬清霜夜卻夢江南白鷺蓑

荅同人十首

近是悲歌者分携伏枕邊江湖頻中酒風雨欲窮

秋水集

年婉轉青蛾恨飛揚白雪篇相思叢桂發應不困
沈綿顧景行

二

秋水城隅路春池夢裏詩浮沉原子意蘊藉亦吾
師本自流聲早空疑奮翮遲孟陽諸季好爲語最
相思秦樂天其天

三

當世論文苑諸劉久韻頗鳳毛殊不鍛鴟路會俱
翔辛苦韓康藥逡巡陸賈裝別來相見者誰不問

秋水集

卷一

詩

七

佚事

眞長劉震修沛遠

四

今日停雲意多傷善病身飄零隨世故慘淡向天
倫歲月文章老水霜晤對眞異時三徑裏應共白
頭新蔣路然

五

慧業知誰似閒情賦乍成衣承羅袖拂人在玉山
行本擅無雙目俱傳第五名殷勤別時語爲子愧
平生顧華峰

六

鄉生開美度清句照河梁自我忘形少看君用意
長流統圖蛟蝶石黛拂鴛鴦尙負追風志臨觴獨
慨懷 鄒聚眉

七

契濶能無念五言今杜陵足知靜者意不共世人
能搖落俱相似死生真可憑與君兄弟好懷舊一
沾膺 施眉堅 儷清青蓮

八

秋水集

卷一

詩

大

侯事

先人交最簡於子見通家終始存神契艱難各鬢
華文章隨短褐墟里雜悲笳夜夜鴿原夢同君天
一涯 華觀生

九

忽逐塵中跡頻懷水上居家承仲舉榻人識長文
車艷體金荃後精思石鼓餘閒門時獨往此日意
何如 陳公昌

十

家世推辭固君今譽莫過見時紛自失真處勝人

多小幅通靈函新篇絕世歌何年重翦燭醉爾綠
筠窩 華商原

燕臺雜詩

依舊西山爽氣來長安如奕使人哀不知仙掌猶
清露欲向昆池問劫灰秋入角弓鳴曉月寒輕油
壁走晴雷昭王事業俱荒草獨立悲歌日幾回

二

烏啼何處不勝秋終古桑乾入塞流故內金盤還
衛霍諸陵玉盃自松楸頻來寶地龍宮闕歛聽神

秋水集

卷一

詩

尤

侯事

皋鳳蹕遊遮莫山川無恙在不須鸚鵡話從頭

三

當歌莫負酒如澠榮願悠悠豈足憑牽犬幾經悲
上蔡種瓜誰不笑東陵塵消碣石三更雪風落交
河九月水試問夜寒華省夢故人知未戀青綾

四

鳳城木落颯鳴鑣暮角寒花滿麗譙北望金臺終
寂寞南來玉樹已蕭條秋風珠履罷殘客夜月香
衾怨早朝共道幽并多結託幾回田實不相饒